

Pantun Tema Jalur Gemilang

Jalur Gemilang berkibar megah,
Simbol perpaduan seluruh negara;
Malaysia bebas dari dijajah,
Semoga negara aman sentiasa.

Jalur Gemilang bendera bertuah,
Rakyat Malaysia berasa megah;
Hidup Bahagia tiada resah,
Kerana negara merdeka sudah.

Salur terhalang lebar dicegah,
Segera ingat rangga separa;
Jalur Gemilang berkibar megah,
Citra semangat warganegara.

Di merata tempat megah berkibaran,
Lambang demokrasi dan kemerdekaan;
Penuh kedaulatan dan kebebasan,
Seiring dengan semangat perpaduan.

Berbaju kebaya si gadis remaja,
Dipakai sepasang dengan keronsang;
Wira negara semangatnya waja,
Jalur Gemilang jadi perangsang.

Putih dan merah suci berani,
Menyeru rakyat membangunkan negeri;
Menentang musuh yang hasad dengki,
Mempertahankan negara setiap inci.

Nama Malaysia sangat terbilang,
Melahirkan ramai tokoh dan wira,
Ayuh kita kibarkan Jalur Gemilang,
Tanda cinta pada negara.

Ayuh semua rakyat Malaysia,
Jalur Gemilang kita kibarkan;
Bersatu hati semua bangsa,
Membawa negara menuju kejayaan.